

CHARTA DAL SON GOTTARD

Preambel

La charta dal Son Gottard ch'è vegnida deliberada da l'emprima conferenza dal Son Gottard mira ad in svilup persistent dal territori dal Son Gottard sco "cor da las Alps en il center da l'Europa". Ella cumpiglia las valurs da l'ecologia e da l'economia ch'èn equivalentas e sa basa sin la visiun da colliar en ina rait – als valurisond – ils potenzials propriis da la regiun interchantunala dal Son Gottard, da la quala fan part il chantun Uri, il Goms (VS), la Surselva (GR) e las Tre Valli (TI), e da resumar quests potenzials ad ina suletta unitad. Ils parlaments chantunals sco promoturs da la conferenza dal Son Gottard s'obligheschan da sviluppar e da realisar – integrond las abitantas ed ils abitants – in program d'acziun en il senn da la charta.

Nus deputadas e deputads dals parlaments chantunals da l'Uri, dal Tessin, dal Vallais e dal Grischun che constituin la rait dal Son Gottard declerain, ...

- ... che nus ans obligain da realisar las finamiras e da sustegnair las mesiras ch'èn vegnidas definidas en il rom dal concept per il svilup dal territori e da la regiun dal Son Gottard;
- ... che nus gidain en spezial a sviluppar la regiun dal Son Gottard cun sias structuradas tipicas e differenziadas da l'abitadi e da l'economia, e quai sco territori natural e cultural coerent ed intact areguard la giustia sociala ed areguard systems economics ch'èn abels da survivor;
- ... che nus creain las cundiziuns generalas legalas, finanzialas ed economicas per pudair trair a niz a temp util ils potenzials specificis da la regiun dal Son Gottard, per pudair promover ils products agriculs e per pudair garantir las resursas e las purschidas turisticas en in context pli vast;
- ... che nus, sco ambassaduras e sco ambassadurs, mantegnain la diversidad da las differentas culturas e linguas sco er ils elements da la coesiun sociala cun lur legendas e cun lur istorgias sco ina part da l'ierta culturala, e che nus promovain lur vitalitad;
- ... che nus ans stentain da trair a niz ils potenzials natirals da la chombra d'aua europeica dal Son Gottard en ina simbiossa tranter l'ecologia e tranter l'economia, per optimar ina economia d'aua resp. d'energia persistenta e che nus sustegnain mesiras per meglierar il clima e per promover funtaunas d'energia regenerabla;
- ... che nus cooperain per proteger e per mantegnair a lunga vista las infrastructures da traffic unicas, multifaras ed amplifitgadas sin l'axa nord–sid/ost–vest saja quai sco perditgas da l'istorgia da construcziun saja quai sco apportadras turisticas per il traffic public;
- ... che nus sustegnain ils chantuns, las regiuns e las vischnancas ch'èn reunids en la rait dal Son Gottard sco er las persunas privatas ch'èn partecipadas en moda colleghiala e las gruppas d'interess a defender ils interess da la charta dal San Gottard ed ad agir correspondentamain.

Cun in conclus da la conferenza dal Son Gottard po la charta dal Son Gottard vegnir cumplettada ed amplifitgada cun ulteriurs puncts.

Approvada il 1. da settember 2008 a l'emprima conferenza dal Son Gottard ad Andermatt.